

**ANG****Bayan**

Pahayagan ng Partido Komunista ng Pilipinas  
Pinapatnubayan ng Marxismo-Leninismo-Maoismo

Edisyong Hiligaynon  
Tuig XXXVII No. 3  
Pebrero 7, 2006  
[www.philippinerevolution.org](http://www.philippinerevolution.org)

*Editorial*

# Nagalapad ang kahublagang anti-Arroyo sa sulod sang AFP-PNP

**G**inhingalitan sang rehimeng Arroyo kag sang liderato sang pasistang AFP kag PNP ang pagkadakup kay Capt. Nicanor Faeldon sining ulihi nga simana sang Enero agud ipahambog nga nagapabilin nga mabaskog ang suporta sang mga armadong pwersa sang rehimen sa *chain of command* kag wala sang ginaangkon nga suporta ang mga grupong anti-Arroyo sa kubay sang mga suldado kag pulis. Nadakup si Faeldon masobra isa ka bulan makaligad magpalagyo siya sa detensyon sad-tong tunga-tunga sang Disyembre 2005.

Sa pihak sang liwat nga pagbihag kay Faeldon, padayon nga naglapad kag nagdalum ang disgusto kag kagamu sa AFP kag PNP. Malig-on nga nagapadayon ang kahublagan nga ginapasakupan ni Faeldon sa pihak sang pagkadakup bangud padayon ang basehan para magluntad ini kag iban pa nga kaparehong mga grupo sa militar kag pulisya.

Ang pagpalagyo ni Faeldon ginsundan sang pagpalagyo sang apat pa nga bataon nga upisyal nga nag-



entra man sa protesta sa Oakwood. Gindeklarar nila nga magadayon sila sa pagbatu kag nanawagan man sila sa pumuluyo nga patalsikon na ang rehimeng Arroyo.

Madamu nga iban pa nga upisyal kag suldado nga nagbulig sa pagpalagyo kag pagtago sa ila sa guwa sang kulungan, gani tubtub subong indi matumod-tumod sang mga nagapamuno nga heneral ang ila ginahamtangan. Gilayon sila nga nakigangot sa iban pa nga kaupdanan ni-

la nga nagapadayon sa pag-organisa sa kubay sang mga suldado kag pulis kag nagahanda para sa hayagan nga pagtalikod kag pagbatu sa rehimen.

Pamatuod ini nga nagalapad ang numero sang mga kadampig sang mga suldado nga namuklat, disgustado kag nagakangil-ad sa di lehitimo kag garuk nga nagaharing rehimen kag handa maghulag para patalsikon ini.

Padayon nga nagalapta sa sulod sang AFP kag PNP ang diwa sang

***Mga tampok sa isyu nga ini...***

**POW, ginhilway sang BHB**

PAHINA 3

**Dalagkuan nga pagmina, ginpamatukan**

PAHINA 9

**Mga taktikal nga open-siba sa Mindanao**

PAHINA 12

"protestang Oakwood" kon sa diin masobra 300 suldado kag manubo nga upisyal ang nag-alsa batuk sa di na nila mabatas nga kagarukan kag pagkapasista sang guban Arroyo kag sang mga heneral sini sa AFP.

Suno man sa pahayag ni Faeldon sang siya magpalagyo sadtong Disyembre, ang mga ginapanghimo nanday Arroyo kag kahimbong niya halin sadto kag ang iban pa nga anomalya sa AFP, PNP kag sibil nga burukrasya ang mismo pamatuod sang kahustuhan sang ginlunsar ni- la nga pag-alsa.

Wala nadula kag sa baylo naglala pa ang basehan sang mabaskog nga reklamo sang kasuldaduhan kag kapulisan. Pinakamatingkad diri ang korapsyon sang matag-as nga upisyal sang AFP kag PNP, nga amo ang pinakadaku nga dahilan sang madamu nga pag-antos kag pag-pamigos nga ginabatas nila. Yara ang atrasaron sang mga garuk nga upisyal ang sweldo sang mga ordinaryong suldado kag pulis para gamiton ini nga pangsugal kag pag-negosyo. Yara nga tahaw na nga bu- long ang ginahatag sa mga napi- lasan kag nagabalatian nga mga or- dinaryong suldado. Yara nga idemo- lis ang mga balay-balay nga gina-



estaran sang ila mga pamilya sa su- lod sang dalagku nga kampo sam- tang ang mga heneral nagapanamit sa mga dalagku nga mansyon.

Yara nga takawon, himuon nga kaugalingon nga puhunan kag isdis- palko sang mga heneral ang sinup- tan sang kasuldaduhan nga ginkaltas sa gagmay na nila nga sweldo kag para tani sa ila mga pen- syon. Yara nga ginapeke ang minil- yon nga kantidad sang kontrata paa- gi sang sistema nga "conversion," kag ginabulsa na lang sang mga na- gapamuno nga heneral ang bilog nga pondo, pareho sang gin- buyagyag sang nagtaliwan nga

Capt. Rene Jarque. Yara nga mag- padihut ang mga heneral sang mga operasyong militar kag pasulungan ang mga suldado bisan wala sang maathag ukon matuod nga target para lang makakuha sang dalagku nga pondo agud mabulsa.

Ginakasangkapan man sang re- himeng Arroyo kag sang mga pasis- tang heneral sini ang mga suldado kag pulis para tapnaon ang lehitimo nga mga paghimakas sang pumu- luyo. Ginahimo sila nga mga berdugo para pwersahon ang pareho nila nga mga nagakalisod para lang pangapinan ang isa ka di matarung nga orden pangkatilingban. Gi- nahiluan ang ila paminsaron nga ang ila kaaway amo ang nagahi- makas nga pumuluyo sa baylo ang mapiguson nga rehimeng Arroyo, ang imperyalistang amo sini kag ang mga pasistang heneral sa AFP kag PNP.

Nagakadapat lang nga ila ibuyagyag kag pamatukan ang ka- garukan sa burukrasyang militar kag iinsister ang kinamatarung sang mga ginainto, ginakasangkapan kag ginapigos man nga mga bataon nga upisyal kag mga ordinaryong sulda- do kag pulis. Dapat buyukon ang tanan nga ginapigos kag ginahimus- lan nga elemento sa sulod sang AFP kag PNP nga magbilog kag maglun- sar sang lain-lain nga paghulag agud isulong ang ila mga lehitimo nga interes kag batuan ang pagpa- niplang, pagkasangkapan kag pag- pamigos sa ila.

Nahibal-an nila nga yara sa ba- ba sila sang buwaya kag indi madali maghulag kag magbatu halin sa su- lod sang pasistang estado. Sa atubang sang masingki nga pagsu- yod, pagbantay kag pagpangtapna nga pat-ud mangin sabat sang rehi- meng Arroyo kag sang pasista sin- ing mga upisyal, kinahanglan man- gin mahalong kag matinugahon ang mga suldado kag pulis sa ila pag-or- ganisa, pagpahayag kag paghulag. Bunga sang anti-komunista nga



Tuig XXXVII No. 3 Pebrero 7, 2006

Ang *Ang Bayan* ginabantala sa leng- wahe nga Pilipino, Bisaya, Iloko, Hili- gaynon, Waray kag Ingles.

Mahimo ini i-download halin sa *Phi- lippine Revolution Web Central* nga ma- kit-an sa:

[www.philippinerevolution.org](http://www.philippinerevolution.org)

Nagabaton ang *Ang Bayan* sang mga kontribusyon sa porma sang mga arti- kulo kag balita. Ginabuyok man ang mga bumalasa nga magpaabot sang mga saway kag rekomendasyon sa ikauswag sang aton pahayagan.

Malab-ot kami paagi sa e-mail sa: [angbayan@yahoo.com](mailto:angbayan@yahoo.com)

## Kaundan

### Editorial

Nagalapad ang kahublagan anti- Arroyo sa AFP at PNP	1
POW, ginhilway sg BHB	3
Ginatay-og ang rehimeng Arroyo	4
Makangingil-ad nga korapsyon	7
Dalagkuan nga pagmina, ginapamatukan	9
Mga asasinasyon, pagkuot atbp.	11
Taktikal nga opensiba sa Mindanao	12
Lider sg RPA, ginsilutan	13
Balita	14

Ang *Ang Bayan* ginabantala duha ka beses kada bulan sang Komite Sentral sang Partido Komunista sang Pilipinas

# POW, ginhilway sang BHB bilang paghatag sang kaayo sang buot sa mga suldado nga anti-Arroyo

**G**inhilway sang Bag-ong Hangaway sang Banwa (BHB) ang bihag sini sang gera nga si Major Neptune Elequin sad-tong nagligad nga Pebrero 3 sa isa ka baybayon nga lugar sa Central Luzon. Si Major Elequin nagadahup sang BHB sadtong Hulyo 2, 2005 sa Floridablanca, Pampanga.

Nagdesisyon sang PKP, BHB kag National Democratic Front (NDF) nga hilwayon si Elequin sa pihak sang kawad-on sang interes diri sang rehimeng Arroyo, bilang tikang nga makatawo kag pagsabat sa hingyo sang iya pamilya kag mga nagasimpatiya sa iya.

Sa amo man, ang pagpahilway kay Eliquin pagpakita sang kaayo

sang buot kag main-abyahanon nga pagtanyag kag kooperasyon sang PKP, BHB kag bilog nga rebolusyonaryong hublag sa nagalapad nga kubay sang mga pwersa militar kag pulis nga disgustado, naathagan kag handa nga kag-away.



*"POW...," sundan sa pahina 4*

## *"Editorial...," halin sa pahina 2*

kasaysayan kag pasistang indoktrinasyon kag oryentasyon nga madalom nga gintanum sang imperyalismong US kag papet nga nagaharing estado sa organisasyon sang AFP kag PNP, kinahanglan ang isa ka lebel sang nagatindog sa kagalingon kag mahalong nga pag-organisa sang mga muklat kag progresibong suldado kag pulis sa sulod sang AFP kag PNP. Kadungan man, kinahanglan kag pinakamaayo man nga may pag-angtanay, koordinasyon kag pagbuligay sila sa mga patriyotiko kag demokratikong pwersa nga nagasulong man sang interes kag kinamatarung sang mayorya sa sosyedad, nagasuporta sa mga lehitimo nga pagbatu sang mga suldado kag pulis kag makig-isa sa ila sa pagpakig-away para sa komun nga mga reklamo sang pumuluyo. Pwede ini himuon kon sa diin may nagaluntad nga paborableng kundisyon ukon mahimuan sang matinugahon nga paagi sa hayag ukon tago.

Maathag man sa mga nagaka-

muklat nga kasuldaduhan kag kapulisan nga anuman nga handum nila sang mga basehang reporma sa sulod sang AFP, PNP kag sa kabilugan nga katilingban Pilipino indi mapatuman samtang nagahari ang garuk, papet kag pasistang rehimen ni Arroyo. Ang pagpatalsik sa nagaharing rehimen kag mga kurakot sini nga heneral amo ang kinahanglanon nga pang-umpisa nga tikang sa pangmalawigan nga pag-sulong sang ila mga kaayuhan kag interes, kadungan sang mga kaayuhan kag interes sang bilog nga pumuluyo. Ginalauman nila nga masabat ini sa idalum sang bag-ong gubyerno nga tunay nga nagasuporta sa pumuluyo.

Sa atubang sang lapnagon nga kinagamo sa AFP kag PNP kag nagabaskog nga pamahog sang pag-alsa sang mga disgustadong pwersa militar kag pulis, nagakadasma subong si Arroyo nga ulu-uluhan sila. Ginmandu niya sining karon lang ang pagpagguwa sang daku nga kantidad para sa pabalay sang kasuldaduhan kag benepisyong sang mga pulis. Uga-


ling ulihi na ang tanan para kay Arroyo. Madugay nga ginahulat sang mga ordinaryong elemento sang AFP-PNP ang katumanan sang iya promisa sadtong 2001 nga pasakaan niya ang ila mga sweldo. Nagaguwa nga paltik ang promisa ni Arroyo. Nahibal-an na sang mga pulis kag suldado nga ang programa pabalay isa naman nga pagpakuno-kuno.

Pareho sang ordinaryong pumuluyong Pilipino, natak-an ang ang kadam-an nga suldado kag pulis sa mga kabutigan kag pagpaniplang sang peke nga presidente nga nagapungko sa Malakanyang. Nagadamu ang nakahanda nga iatras ang suporta sang armadong haligi sang estado kag itumod ini sa kinakangil-aran nga rehimen kag mag-entra sa away sang pumuluyo.

Isa ka adlaw mabugtaw na lang si Arroyo nga nagkabali-bali na ang ginasisigahum nila nga mabakod nga *chain of command* kag naga-inalsa na upod sa pumuluyo ang mga pulis kag kasuldaduhan nga madugay na nga ginalapakan ang mga kinamatarung.

AB

# Ginatay-og ang rehimeng Arroyo



**N**agapadayon ang pagtinguha sang rehimen nga mapahamot kag tiplangon ang pumuluyo, sagngon ang mga atake kag tuso nga magmaniobra kag gamiton ang pinakamadamu nga resorsa sang gubyrno agud padayon madominar sini ang Kongreso kag mga lokal nga gubyrno. Pursigido sini nga ginaduso ang Cha-cha (pagbag-o sa konstitusyon) agud buyukon ang suporta sang US kag idiskaril ang kahublagan para sa pagpatalsik kay Arroyo. Nagagamit ini sang salsalon nga kamot batuk sa mga protes-tang masa kag sa armadong pamahug halin sa militar kag pulisya. Himuon ni Arroyo ang tanan-mapabilin lamang sa poder tubtub 2010 kag tubtub lampas pa diri.

**Katublagan nga militar.** Kadungan sang pagtipon sang kusog kag bwelo sang kahublagang masa, nagadamu nga pwersa sang oposisyon kag pati mga pwersa nga disgustado sa sulod sang AFP kag PNP ang nagahulag agud padasigon ang militar nga bahin sang pagbatu sa rehimen.

Nagabaskog ang litik, nagalapad ang pagkatublag kag

*"Ginatay-og..." sundan sa pahina 5*

*"POW..." halin sa pahina 3*

Isa lang si Major Elequin sa mga upisyal sang AFP nga labaw nga ginapabay-an sang rehimeng Arroyo. Sa nagtaliwan nga pito ka bulan, nagbalibad si Arroyo nga makipag-negosasyon para sa masulhay nga pagpahilway kay Elequin. Nagbalibad si Arroyo kag iya mga heneral nga magmandu sang Suspension of Offensive Military Operations (SOMO) kag Suspension of Offensive Police Operations (SOPOL).

Antes siya hilwayon, ginhinun-anon si Major Elequin sang isa ka independyenteng abugado agud paturon nga maayo nga pagtrato sa iya sang BHB bilang POW (*prisoner of war*). Ginpaidalum man siya sa *medical check up*.

Ginpaathag kay Major Elequin ang "Order of Release" halin kay Kaupod Luis Jalandoni, pinuno sang *negotiating panel* sang NDF, nga amo ang may awtoridad nga magmandu sang pagpahilway sa mga POW. Ang Order of Release ginbaton sang yunit sang BHB nga nagaasika-so kay Major Elequin.

Si Major Elequin ginbaton ni Sen. Rodolfo Biazon kag Bishop Solito Tuquero sang United Methodist Church. Si Biazon, sa partikular, ginpili bangud sa ginabaton nga personahe nga nagadala sang interes sang mga ginaabrayado nga upisyal, suldado kag pulis sang AFP kag PNP; amo man bangud sa iya panindugan para sa pagpadayon sang sugilanon pangkalinungan agud maatubang kag malubad ang mga sandigan nga problema pangkatilingban nga amo ang ugat sang nagaluntad nga gera sibil sa Pilipinas.

Sa pihak nga bahin, padayon nga ginaparalisa kag ginasabotahe sang rehimeng Arroyo ang sugilanon pangkalinungan sa baylo nga atubangon kag lubaron ang mga ugat sang gera sibil sa Pilipinas. Ginpasingki pa sang mga pasista nga heneral ni Arroyo ang teroristang gera sini kag iban pa nga paglapas sa tawhanong kinamatarung sang pumuluyo.

Sa ginhiwat nga pormal nga seremonya sang paghilway, ginkundenar sang tiglawas sang PKP ang

wala kaluoy nga mga operasyong militar sa Central Luzon. Gintumod nga indi magnubo sa 47 aktibista na ang ginpamatay sang mga *death squad* sang rehimeng Arroyo sa rehiyon. Ginkundenar man sang PKP ang ginahimo nga istraping sang helikopter kag pagbuhi sang mga *rocket* sa Sta. Ignacia, Tarlac sadtong Enero 31, na nagresulta sang pagkamatay sang madamu nga sibilyan. Ginpakamalaut man sini ang pagmasaker sa lima katawo nga pamilya nga ginasuspetsahan simpatisador sang rebolusyonaryong hublag sa San Ildefonso, Bulacan.

Makaligad ang seremonya, may seryoso nga pagsugilanon man sa tunga ni Sen. Biazon kag mga nagapamuno nga kaupod sa lugar bahin sa mga paglantaw sa subong nga sitwasyon pangpulitika, nagalupok nga krisis sang pagginahum, mga ideya bahin sa mahimo nga tukuron nga transisyunal nga gubyrno kabaylo sang pagkapukan sang rehimeng Arroyo kag nagahiliusa nga handum nga mapadayon ang sugilanon pangkalinungan sa tunga sang GRP kag NDF.

AB

nagabaskog ang kahublagan sang mga nagabatu nga suldado sa sulod sang armado nga pwersa sang gubyerno. Nagabaskog ang desisyon kag inisyatiba sang ila mga organisasyon nga magpalapad, magkasa sa pagbatu sa rehimen kag makig-isa sa pumuluyo. Nabatyagan na sang rehimen ang paghulag sang nagkalain-lain nga grupong anti-Arroyo sa sulod sang AFP kag PNP, ang nakuha nila nga mabaskog nga suporta halin sa kubay sang militar, pulisya kag pati sa pumuluyo kag ang nagahugot nga angtanay indi lang sa tunga sang mga grupong militar kundi pati sa tunga sang mga ini kag mga demokratiko kag progresibong organisasyong anti-Arroyo.

Daku nga bagay ang nagabaskog nga pagkatublag kag rebelyon sa kubay sang militar kag pulisya. Bangud diri, nag-angkon kita sang mga abyan kag alyado sa mga pwersang militar kag pulis kag natulunga kag nagaguba ang pwersa sang kaaway. Sini lang nga Enero, liwat nagbaskog ang mga hugong nga magahulag na ang mga pwersang anti-Arroyo sa sulod sang AFP kag PNP. Naalarma ang rehimen sa sunud-sunod nga pagpalagyo sang mga bataon nga upisyal halin sa kulungan militar. Mataas ang prestihiyo sa kasuldaduhan, kag pati sa pumuluyo sang mga upisyal nga nagpalagyo kag mga nabilin nila nga kaupdanan nga padayon nga malig-on sa pagbatu sa ginakangilaran nga rehimen.

Bangud diri, napilitan si Arroyo kag iya mga idu-ido sa AFP nga akuon ang posibilidad sang isa ka kudeta. Pila ka beses nga nag-red alert kag naghimo sang *loyalty check* ang Malakanyang kag pamunuan sang AFP kag PNP. Gindugangan sini ang mga mapiguson nga tikang agud ipiton ang anti-Arroyo nga mga suldado kag upisyal kag ginakakas sa pwesto ang tanan


nga ginadudahan sini nga nagbulig sa sunud-sunod nga pagpalagyo sang mga suldado nga Magdalo sadtong Disyembre kag Enero. Lima ka suldado ang gin-aresto kag ginditiner bangud sa kaangtanan nila sa grupong Magdalo. Ginpagguwa man ang "*shoot-to-kill order*" sa apat nga suldado nga nagpalagyo kag nagpahayag sang padayon nga pagbatu. Nagpaandam ang rehimen nga batuan sini sang "kalayo sa kalayo" ang anuman nga armadong paghulag sang mga anti-Arroyo nga suldado kag pulis. Kadungan man, ginbayluhan ni Arroyo ang yadto indi na niya masiguro ang katampad sa iya, tulad sang pinuno sang Presidential Security Group nga si Brig. Gen. Delfin Bangit.

Antes pa ini, ginsuhulan naman niya sang matag-as nga pwesto ang pinakatampad nga heneral nga kahimbong niya sa daku nga korapsyon kag malaparan nga pagdinaya sadtong nagligad nga eleksyon pareho nanday Lt. Gen. Hermogenes Esperon nga plano himuon niya nga AFP *chief of staff*, Maj. Gen. Gabriel Habacon nga ginpwesto niya nga hepe sang AFP Southern Command kag Rear Admiral Tirso Danga nga gindestino niya nga hepe sang AFP Western Command.

**Pinakamalapad nga prenteng anti-Arroyo, natukod.** Nagbuluylog sa isa ka malapad nga alyansa ang ligal nga oposisyon kag nagkalain-lain nga organisasyong masa sining Enero 31 agud bug-uson kag hatagan sang panibag-o nga sikad ang kahublagan para patalsikon si Arroyo. Lakip sa nagtipon sa adlaw nga ini ang mga tiglawas sang United Opposition (UNO), Black and White Movement, Partido ng Masang Pilipino (PMP), Bangon Pilipinas, Bagong Alyansang Ma-

kabayan (BAYAN), Bayan Muna, Be Not Afraid, Bukluran para sa Kato-tohanan, Kilusang Makabansang Ekonomya, La Liga Filipina, Sanlakas-Laban ng Masa, FPJ for President Movement, Solidarity Movement, at Lahat na Po Movement. Ginasalaming sa pagtilipon nga ini ang sa subong nga pinakamalapad nga paghiliusa sang kahublagang anti-Arroyo. May ara man nga nagkalain-lain nga aktibo kag indi na aktibo nga mga grupo sa AFP kag PNP nga nagasuporta sa mga ini. Ginapangin-wala sini ang permi nga kantiyaw sang kampo ni Arroyo nga indi makasulong ang paghulag batuk sa iya bangud pihak-pihak kag wala sang paghiliusa ang oposisyon.


Ginahatagan tumok sang malapad nga prenteng anti-Arroyo ang pagpa-



singki sang mga aksyong masa kag protesta agud patalsikon si Arroyo sa poder. Ginpakamalaut sini ang dalayon nga pagkaguba sang mga pangpulitikang proseso kag institusyon sa pungsod nga ginbunga sang mahigko nga taktika kag manobra sang rehimeng Arroyo.

Sa amo man, ginkundenar sang alyansa ang brutal nga mga pasistang tikang ni Arroyo batuk sa mga lider kag katapu sang mga demokratikong sektor. Nangako ang grupo nga suportahan sini ang paghulag sang mga bataon nga upisyal sang AFP bilang solo nga grupo sa sulod sang reaksyunaryong hangaway nga mahimo magmadinalag-on batuk sa rehimeng Arroyo.

Nagpabutyag man sang paghiliusa ang grupo sang direkta kag maathag nga nagabatu nga pahayag sang Catholic Bishops Conference of the Philippines (CBCP). Pagpakita man sang hugot nga paghiliusa sang oposisyon ang pagkadto ni anay presidente Corazon Aquino, upod sanday Senate President Franklin Drilon, Susan Roces, Makati Mayor kag UNO Chairman Jejomar Binay kag iban pa, sa San Juan Medical Center kon sa diin ginoperahan si anay Presidente Joseph



Estrada. Halin sang patalsikon si Estrada paagi sang pag-alsang sang pumuluyo sa EDSA sadtong 2001, subong lang liwat nagkita-kita kag nagsugilanon ang duha nga anay mabaskog nga magkaaway.

**Mas nagabatu nga CBCP.** Daan na nga desaysibo ang numero sang mga Katoliko nga obispo nga myembro sang CBCP nga batuk sa pagpabilin ni Arroyo sa poder. Pero sini lang nakapagguwa sang mas maathag kag mas matalom nga pusisyon ang CBCP batuk sa rehimeng Arroyo, makaligad bayluhan ni Archbishop Angel Lagdameo sang Jaro bilang presidente sang CBCP ang konserbatibong si Archbishop Fernando Capalla.

Mabaskog nga ginpakamalaut sang CBCP sa *pastoral letter* sini sadtong Enero 29 ang padayon nga pagbinutig kag pagtinguha sang rehimeng Arroyo nga takpan ang mga kamatuoran sa likod sang "Hello Garci" teyp kag sa mga padihut nga Cha-cha kag No-el (No elections) sang rehimeng Arroyo.

Nagpabutyag sang pagkadisayre ang CBCP sa dalayon nga pagbasura sang Kongreso sa imbestigasyon kaangot diri sadtong Enero 25. Ginpakamalaut sini ang pagmanobra sang rehimen nga likawan, abangan kag tikuon ang mga proseso sa idalum sang layi.

Antes ini, napaslawan si Arroyo nga mapabasbasan sa ginpatawag niya sadtong Enero 24 nga pulong sang Council of State ang plano niya nga No-el. Napamalibad nga magsakay diri ang mga nagtambong sa pulong bisan pa nga kaalyado niya ang tanan didto.

Ginpagguwa sang tagapamabasa sang Malakanyang nga nagagamang sang Malakanyang ang lubos nga paghiliusa. Pero ginpangin-wala ini ni anay pangulong Fidel

Ramos kag nagpamahug siya nga kon padayunon gihapon ang No-el magabunga lang ini sang isa ka "pungsodnon nga kalamidad". Napilitan ang rehimeng Arroyo nga iatras ang padihut nga No-el kag dalayon man nga ginbasura sa Kongreso ang mga tikang nga nagaduso sini.

**Pursigido sa Cha-cha.** Pananglitman man may eleksyon, igamaniobra ni Arroyo nga ang matabo amo isa ka piniliay nga pangparlamento kung mapalusot ang Cha-cha subong nga tuig. Paagi sini, mapat-ud niya nga makadayon sa poder tubtub 2010 ukon lampuwas pa.

Dugang diri, ginagamit sang rehimen ang Cha-cha agud ilikaw ang atensyon sang pumuluyo, idiskaril ang kahublagan pagpatalsik kag ganyaton ang suporta sang US kag mga oportunistang makabentaha diri.

Gintukod niya ang "Charter Change Advocacy Commission" nga kuno magapalapnag sa isyu ang Cha-cha sa publiko. Ang pagtukod sang komisyon, magaluntad sa sulod sang walo ka bulan kag may 5 milyon nga badyet, ginparatsada niya sa mga kaalyado nga mayorya sa Kongreso. Sa atubang sang patud nga pagpamatuk sang mayorya sa Senado kag mga eksperto sa layi, pilit niya nga pagatingubon ang Kongreso kag Senado agud matuban ang 2/3 nga boto halin sa mga kaalyado niya nga mayorya sa Kongreso ang anuman nga pagpamatuk halin sa mga senador.

Para man mapahigad ang pagpamatuk sang Senado, ginapalunsar man niya ang People's Initiative bilang paagi sang pagkuha sang limang milyon ukon masobra pa nga boto sang pagpasugot sang pumuluyo. Ginapasiguro man niya sa mga hagna nga probisyon ang pagpalawig sang lima ka tuig nga termino sang mga huwes sang Korte Suprema paagi sa pagpataas sang


*"Ginatay-og..." sundan sa pahina 7*

# Makasuluka nga mga kaso sang korapsyon

**P**adayon nga ginakalkal sa pinakaulihi nga mga imbestigasyon sa Senado ang kalapad kag kagrabe sang pagpangurakot ni Arroyo kag iya mga idu-ido sa P2.8 bilyon nga pondo pang-abono nga ginpadumalahan sa Department of Agriculture (DA) sadtong 2004. Daku nga bahin sini ang P728 milyon nga pondo ang DA para sa Farm Input and Implements Program kag isa pa ang P544 milyon nga pondo sang Department of Agrarian Reform para sa pagpadamu sang *hybrid rice*.

Suno sa mga dokumento sang Commission on Audit, nagaabot sa 100 kongresista, 53 gobernador kag 26 nga alkalde ang nagbaton halin sa pondo nga ini sang tig-P3 milyon tubtub P10 milyon nga pondo pang-abono pila ka adlaw lang antes ang eleksyon 2004.

Gindumalahan ni Department of Agrarian Reform Undersecretary Jocelyn "Joc-joc" Bolante, kilala nga opereytor sang pamilya Arroyo, ang pagpagguwa sang pondo halin sa DAR kag pagpanagtag sang komisyon



on sa mga kongresista kag lokal nga upisyal. Gingamit ni Bolante sa mga operasyon nga ini ang Feshan Philipines Inc., isa ka kumpanya nga gintukod niya para hatagan sang eksklusibong kontrata nga magsuplay sang barato nga abono sa presyo nga may sobra-sobra nga patong.

Isa nga Maritess Aytona ang na-

gaprente para kay Bolante sa pagpanag-iya kag pagdumala sang Feshan kag sa pagpasugilanon kag paghatag sang mga komisyon sa mga upisyal. Isa nga Jimmy Paule naman, tiglawas sang Antipolo kag tiyo sang bag-o nanombrar nga sekretaryo sang DILG nga si Ronaldo Puno, ang ginpwesto sang Malakanyang sa Feshan sa para bantayan ang dalagan sang kumpanya kag pat-uron ang interes nanday Arroyo sa mga operasyon kag transaksyon sini. Si Jose Barredo Jr., nga nagtestigo sa Senado nagtrabaho sa kumpanya bilang kuryer sa pakipagtransaksyon ni Aytona sa mga lokal nga upisyal.

Sa imbestigasyon sang Senado, ginbuyagyag ni Barredo nga halos tanan nga mga pondo pang-abono wala gingamit para pangbakal sang abono. Kinaandan na ang pagbulsa sang mga kongresista, meyor kag iban nga lokal nga upisyal sang dalagku nga komisyon sa mga transaksyon sini sa mga pribadong kumpanya.

Ginkumpirma ni Rebecca Aquino, bokal sang prubinsya sang

*"Korapsyon..." sundan sa pahina 8*

*"Ginatay-og..." halin sa pahina 6*

edad para sa ila pagretiro. Gintalana niya nga pinuno sang pagatukuron nga *electoral reforms body* si anay Supreme Court Justice Hilario Davide para magamit ang iya prestihiyo kag makuha ang iya padayon ga pagsuporta sa rehimen.

**Pagbalasa sa kabinete.** Sa pagtinguha nga mapabaskog pa ang paggamit ni Arroyo sa gahum sang gubyerno, ilabi na sa pwersang militar kag pulisya, mga lokal nga gubyerno kag ang daku nga pondo sang gubyerno, liwat nga ginbalasa subong ni Arroyo ang iya

kabinete.

Daku ang ginalauman niya sa ikasarang mangbola kag magtiyug-tiyog sang lohika ni Mike Defensor, gani ini subong ang ginhimo niya nga Chief of Staff kag kadungan tagadumala sang komunikasyon sang Malakanyang. Si Ronaldo Puno naman, isa ka eksperto sa pagdinaya sa eleksyon, pagmanipula sa masmidya, pagtukod sang sikreto nga hangaway kag paghimo sang iban pang nga mahigko nga taktika, halin pa sadtong panahon sang diktaduryang Marcos, ginkuha na halin Kongreso para mangin bag-o

nga sekretaryo sang Department of Local Government bangud mas ginasaligan na niya si Puno sangsa kay Gen. Angelo Reyes. Bilang pakonswelo, ginsaylo na lang si Reyes sa ginbayaan nga pwesto ni Mike Defensor. Si Camarines Sur Rep. Rolando Andaya naman ang ginbutang nga bag-ong sekretaryo sang Department of Budget and Management. Mas mangin kahimbon ni Arroyo si Andaya sa pagpahulag sang mga pondo sangsa kay Romulo Neri, nga ginbalik na lang sa National Economic and Development Authority.

AB

Sorsogon, ang mga ginbuyagyag ni Barredo.

Suportado sang mga datos halin sa mga report sang Commission on Audit ang ginbuyagyag ni Aquino nga sobra-sobra ang ginabayad sang mga kongresista, lokal nga gubyrno kag mga NGO sa mga abono nga ginbakal halin sa Feshan.

Isa pa nga tampok sa kaso ang pangurakot sa P544 milyon halin sa nabawi nga kinawatan nga manggad sang mga Marcos nga gingamit kuno sa maanomalya nga programa nga Ginintuang Masaganang Ani *rice hybrid program*, mga gamit pang-agrikultura kag kuno "*farm-to-market roads*". Ginkumpirma sining Enero ni DAR Usec. Belinda Gonzales nga direkta nga ginapanagtag ni Bolante ang P100 milyon halin sa pondo nga ini sa pinakatampad nga kaalyado sang rehimen para gamiton sa eleksyon.

Lakip sa mga nabeneписыuhan ang tatlo nga kapartido ni Arroyo sa Cebu nga nagbaton sang tig-P3 milyong piso para sa "*rice hybrid program*" bisan wala naman nagatanum sang palay sa ila mga distrito.

Saisenta porsyento (60%) sang pondo ginpanagtag sadtong Mayo 3, 2004 samtang ang 40% ginpanagtag pagkatapos sang eleksyon. Ang pondo nga ini bahin lamang sang mas daku nga pondo sang gubyrno nga gingamit ni Arroyo para sa iya kampanya sadtong eleksyon.

**Nabawi nga kinawatan nga manggad sang mga Marcos.** Ginako sang mga upisyal sang rehimen sang Arroyo sining Enero nasipot na ang P35 bilyon nga pondo sang nabawi nga kinawatan nga manggad sang mga Marcos, duha ka tuig makaligad ini nga ginsalig sa rehimen. Ang mas daku nga bahin sini P27 bilyon-gintalana sa mga proyekto sang Comprehensive Agrarian Reform Program (CARP).

Nakatalana para sa mga biktika sang paglapas sa tawhanong kinamatarung sang diktadurang Marcos ang P8 bilyon pa-bisan nga suno kay Senador Joker Arroyo, dapat P10 bilyon ini. Pero sa isa ka pagbista sa Senado, kinumpirma sang mga upisyal sang rehimen nga nagamit na ang kadam-an sang pondo, kag ang P5 bilyon na lang ang nabilin kuno nakatalana man sa mga programa sang Department of Agrarian Reform (DAR).

Sa ginhimo nga mga imbestigasyon sang Senado, nakalkal nga daku nga bahin sang P27 bilyon nga nakatalana kuno sa pagpatuman sang reporma sa duta sa aktwal gingamit ni Arroyo para sa iya kampanya pang-eleksyon sadtong 2004. Ginlusot ang pagpagguwa sang pondo paagi sa lain-lain nga maanomalya nga proyekto nga gindumalahan sang mga opereytor ni Arroyo sa DA, DAR kag Department of Environment and Natural Resources (DENR). Sa idalum sang mga padihut kag proyekto pareho sang "pondo pang-abono," "*rice hybrid program*," kag "*farm-to-market road*" kag iban pa, direkta nga ginpanagtag ni Arroyo ang pondo sa iya mga kaalyadong kongresista kag lokal nga upisyal.

Isa sa mga sinentruhan sang imbestigasyon sang Senado ang P544 milyon nga bahin sang pondo ini nga gintalana sa maanomalya nga Ginintuang Masaganang Ani *rice hybrid program*. Ginpanagtag ang bilog nga pondo nga ini sadtong Mayo 3, isa ka simana bag-o ang eleksyon. Ang kadam-an sang nakabaton halin sa mga pondo nga ini mga kongresista kag lokal nga upisyal nga kapartido ni Arroyo.

Gingamit sa imbestigasyon ang pagtuon nga ginhimo sang Rice Watch kag Action Network (R1) bahin sa paggamit sang mga pondo para sa nasambit nga *rice hybrid program*. Nagtuhaw sa pagtuon nga ini nga tadtad sang mga maanom-

alya ang paggamit sang pondo. Halimbawa sini ang paggamit sang P216 milyon para suportahan ang produksyon sang binhi nga palay sa 1,969.77 ektarya nga mga kadutaan. Nagaguwa sa sini nga P109, 657 kada ektarya ang ginagastos sa produksyon lang sang binhi. Isa pa ang paggamit kuno sang P178 milyon para sa pagpanagtag kuno sang mga binhi para sa 453, 333 ektarya nga may tanum kuno nga palay. Pero sa mismo nga report sang DA, nakapanagtag lamang ini sang binhi para 208, 342 ektarya.

**Sikreto nga pagpakig-areglo kay Danding.** Samtang, hugot nga ginalikum sang Presidential Commission on Good Government (PCGG) ang sikreto nga negosasyon nga natabo sa tunga sang Malakanyang kag ni Eduardo "Danding" Cojuangco angot sang pagpanag-iya sa pondong *coco levy* (buwis sa niyog) kag mga sapi sa 14 nga kumpanya nga nabakal gamit ang nasambit nga pondo. Ang *coco levy* buhis nga ginpataw sa mga manuglubi sa panahon sang layi militar jnga ginakaptan ni Cojuangco kag ginagamit para magpalapad sang iya pagpanag-iya.

Pinakadaku sa mga kumpanya nga nakontrol ni Cojuangco gamit ang pondo *coco levy* ang San Miguel Corporation (SMC) kon sa diin kapot niya ang 27% sang mga sapi. Samtang, kapot naman sang gubyrno ang 20% sang mga sapi maathag nga ginbakal gamit ang pondo sang *coco levy*.

Sandig sa direktang mga mandu ni Gloria Arroyo, sikreto nga nakipag-areglo si Camilo Sabio sang PCGG para pinal nga maideklarar nga pagpang-iya ni Cojuangco ang kapot niya nga 27%. Pagabuhian man sang gubyrno ang kapot pa sini nga 20% sa baratilyo nga kantidad nga P50 bilyon. Kabaylo sini ang pagsuporta ni Cojuangco sa ano man nga plano ni Gloria Arroyo sa pulitika. **AB**



# Dalagkuan nga pagmina, mabaskog nga ginabatuan

**K**adungan sa pagpakamalaut sang CBCP sa padihut nga Noel kag Cha-cha, mabaskog man nga ginakundenar sini ang Mining Act of 1995 kag ang programa sang rehimeng Arroyo nga ganyaton ang dalagkuan nga dumuluong nga kumpanya sa pagmina sa pungsod. Siling sang CBCP, ginakakulbaan nila nga ang pagahimuon nga pagbag-o sa konstitusyon labi nga magahatag-dalan sa malaparan nga pagpamuyong sa pungsodnon nga patrimonya kag magalapak sa soberanya sang pungsod, sa kahalitan sang pumuluho.

Ginpakamalaut man sang CBCP ang pagpamigos sang dalagkuan nga dumuluong nga minahan sa mga pungsodnon nga minorya, paglapak sa ila kinamatarung magdesisyon-sa-kaugalingon kag pagguba sa ila tumanduk nga kultura. Gintumod sang CBCP nga sa unahan sang paghimakas batuk sa Mining Act ang mga pungsodnon nga minorya nga nahalitan sa pagsulod sang dalagku nga dumuluong nga kumpanya sa pagmina.

Sa mga lugar kon sa di-in may dalagkuan nga dumuluong nga operasyon sang pagmina, ang mga armadong pwersa sang gubyerno amo ang nagaserbi nga pwersa pangseguridad kag instrumento sang pagpamigos sa pumuluho nga nagapamatuk sa operasyon. Permi nga militarizado ang mga lugar sang dalagkuan nga pagmina nga nagadulot sang madamu nga paglapas sa tawhanong kinamatarung.

Partikular man nga ginpakamalaut sang CBCP ang grabe nga pagkawasak sang kapalibutan kag katalagman sa ikaayong-lawas sang pumuluho nga ginadulot sang

dalagkuan nga pagmina bunga sang pataratas nga paghaboy sang mga ini sang basura sang mga mina sa mga suba kag kadagatan.

Ginahimutig sang tuman kadamu na nga eksperensya sang pagkasamad sang kapalibutan kag pagkaguba sang pangabuhian sang pumuluho ang pangpatahum nga programa sang rehimeng Arroyo kaangot sa pagmina nga "responsible" kag "di makahalitan sa pangabuhian kag kapalibutan". Pila lang diri ang mga natabo nga malaparan nga pagbaha sa Mindoro kag ang pagkahilo sang mga suba sa Marinduque kag Zamboanga del Sur.


Suno pa sa CBCP, labi lamang magalala ang kahimtangan sang pumuluho sa idalum sang "mining revitalization program" sang rehimeng Arroyo. Sa subong pa lang, nagaabot na sa 17 ka malahalona nga *biodeversity area*, 35 na-

*tional conservation priority areas* kag 32 *national integrated protected areas* ang ginabukas sang rehimen sa pagpamuyong sang mga dumuluong nga kumpanya.

Nanawagan ang CBCP sa rehimeng Arroyo nga gilayon basura ang tanan nga mga gin-aprubahan nga lisensya sa pagmina kag untaton ang paghatag sang bag-o nga lisensya sa pagmina. Kaangot sini, ginkwestyon naman sang PAMALAKAYA ang paghatag ni Michael Defensor sang 4,968 *environmental clearance certificate* (ECC) sang siya sekretaryo pa sang Department of Environment and Natural Resources (DENR) sadtong 2005 kag ang pag-aprubar sini sa Administrative Order 24 nga nagabukas sa tanan nga baybayon sa Pilipinas sa mga dumuluong nga mangapital.

**Malapnagon nga paghulag sa Mindoro.** Kadungan sa pagpakamalaut sang CBCP, libu-libo nga pumuluho ang naghulag agud kundenahon ang dalagkuan nga pagmina sa pungsod. Nag-abot sa 10,000 katawo ang nagpasakup sa isa ka *caravan* nga ginlunsar sadtong Enero 30 sa Oriental Mindoro agud pamatukan ang operasyon sang Aglubang Mining Corporation. Ang Aglubang Mining ginatagiyahan sang Crew Gold Mining sang Canada.

Ini ang labing una nga kahigayunan nga ginpakita sang mga pumuluho sa Mindoro ang hugot nila nga paghiliusa batuk sa dalagkuan nga pagmina sa isla. Ginpamunuan ang aksyong protesta sang Alyansa Laban sa Mina (ALAMIN) kag ginsuportahan sang lokal nga gubyerno sang Oriental Mindoro kag sang Apostolic Vicarate of Calapan. Gintambungan ini sang mga mangunguma, mga Mangyan, mga tawong simbahan, mga organisasyong sibiko,




mga grupo sang estudyante kag duha ka kongresista. Agud tumukan ang ila pagpamatuk sa Philippine Mining Act of 1995, ginbasa sa rali ang ordinansa nga ginpasar sang *provincial board* sang Oriental Mindoro sadtong Enero 28, 2002 nga nagadumili sa dalagkuan nga pagmina sa isla sa sulod sang 25 tuig.

Ang *caravan* nga ginpartisipahan sang 500 salakyan nag-sugod sang alas-7 sang aga sa Calapan City kag nag-agi sa mga banwa sang Naujan, Victoria kag Socorro. May ikaduha nga ruta nga naghalin sa Pinamalayan. Nagtipun-tipon ang mga raliyista sa *gymnasium* sang Pola. Dala sang mga nagaprotesta ang mga plakard kag istrimer nga may mga islogan nga nagapanawagan nga ibale-wala ang permit nga ginhatag ni anay Sec. Defensor sang DENR sa Aglubang Mining Corporation sadtong Nobyembre 2005. Base sa Mineral Production Sharing Agreement (MPSA) nga ginlagdaan sadtong Disyembre 2000, sakup sang operasyon sang minahan nga ini ang 2,920 ektarya nga yara sa lindero sang Naujan kag Victoria. Suno sa mga Tadyawan Mangyan, ang apektado nga erya *watershed* kag kadutaan sang ila katigulangan.

Wala sang mahatag ang pagpadayon sa operasyon sang mga dumuluong nga kumpanya sang mina kundi ang pat-ud nga pagkasamad sang bilog nga isla sang Mindoro. Ginapakita ini sang tatlo ka sunud-sunod nga malaparan nga pagbaha sadtong nagligad nga tuig, suno sa mga nagaprotesta. Isa pa nga ginakakulbaan nga masamad amo ang 40,000 ektarya humayan sa naaminhang Mindoro.

**Kontra-Lafayette.** Samtang, ginapamilit subong sang madamu nga sektor sa Albay kag Sorsogon ang pagpasara sa proyekto nga pagmina



diri sang Lafayette Philippines Inc. bangud sa duha ka beses nga pagpaawas sini sang tubig sadtong Oktubre sa kadagatan nga nagaangkon sang mataas nga lebel sang *cyanide*, *mercury* kag iban pa nga nakahililo nga kemikal. Nagresulta ini sa madamuan nga pagkamatay sang mga isda sa tatlo ka barangay sa isla nga banwa sang Rapu-Rapu.

Bangud diri, ginpanawagan sang PAMALAKAYA kag iban pang organisasyon sang mga mangingisda diri ang gilayon nga pagpasara sang Lafayette.

Suno sa mga mangingisda diri, ginapamatud-an sini ang kahalitan nga ginatuga sang liberalisasyon kag iban pa nga maki-dumuluong nga polisiya sang rehimeng Arroyo sa mga basehang sektor sang pungsod. Ginoakamaut man nila ang pagsuspindir lang kag pagpamulta sang rehimen sa Lafayette sang P10.7 milyon kabaylo sang gindulot sini nga kahalitan sa kapalibutan kag pangabuhian sang mga mangingisda sa lugar.

**Bisayas, Mindanao, kontra sa pagmina.** Sa Mindanao, nagtipon sadtong Enero 18 ang mga lider sang

anum nga dalagku nga pederasyon sang mga pungsodnon nga minorya sa isla agud pangapinan ang nabilin sa ila mga dutang sang katigulangan batuk sa dalagkuan nga pagmina. Gintambungan sang mga tiglawas sang 10 mayor nga tribo sa Mindanao ang Indigenous Peoples Conference on Mining. Ginkundenar sang kumperensya ang malaparan nga pagpang-agaw sang mga dumuluong nga kumpanya sang mina sa ila mga kadutaan kag ang kahalitan nga dala sang mga operasyon nga ini.

Sa Central Visayas, ginpamatukan sang PAMALAKAYA kag nagkalain-lain nga organisasyon sang mangingisda ang ginapaabot nga eksplorasyon para sa langis nga pagahimuon sa Cebu Strait sang isa ka grupo sang mga dumuluong nga kumpanya nga ginalakipan sang Alcom Gold Resources Corp. kag Australian Energy Ltd. Suno sa ma nagaprotesta, mahalitan sini ang 204,000 ektarya sang kadagatan kag mga *coral reef* nga ginapuy-an sang masobra 39 nga klase sang isda kag iban pa nga nagapuyo sa dagat. Ang Cebu Strait pangisdaan man sang mga imol nga mangingisda halin sa Cebu kag Bohol. Apektado man sa himuon nga eksplorasyon ang anum ka banwa sa baybayon sang Leyte.

Plano sang PAMALAKAYA kag iban pa nga grupo sang mangingisda sa Negros, Masbue kag Bikol nga pasakaan sang kaso kriminal kag administratibo sanday Gloria Arroyo kag anay DENR Sec. Defensor angot sa ginapaabot nga eksplorasyon para sa langis kag gas sa Cebu Strait, sa kahalitan nga gintuga sa Lafayette, sang kwestyunable nga paghatag sang DENR sang tuman kadamu nga ECC sadtong 2005 kag sang komersyalisasyon sang tanan nga baybayon sang Pilipinas sandig sa Administrative Order 24 sang DENR.

AB

# Mga kaso sang masaker, asasinasyon pulitikal kag pagkidnap


**A**pat pa nga progresibong lider ang pinatay sining Enero kag Pebrero samtang nadula gihapon tubtub subong ang isa ka lider-mamumugon nga ginkuot sadtong Disyembre. Amo man, padayon nga nagasingki ang militarisasyon kag wala hawid nga pagpamatay sang militar sa mga ginadudahan nila nga tagasuporta sang BHB.

Pinatay sining Pebrero 1 sa Lucena City si Roberto de la Cruz, Anakpawis *coordinator* sa syudad. Ginluthang si de la Cruz sa sulod sang iya karinderya sang duha ka armadong lalaki nga sakay sa motor-siklo.

Sa parehong adlaw, ginpatay sang mga armadong lalaki sa Barangay Pinaod, San Ildefonso, Bulacan si Ricardo Valmocina, 61, iya anak nga si Roel Joseph, 19, kag tatlo pa nga mangunguma nga ginaakusan sang militar nga nagasuporta sa BHB.

Gab-i sang ginsulod sang 15 nga naka-*bonnet* kag armadong tawo ang balay ni Valmocina nga nagapangita kuno sang armas. Una nga ginpangluthang ang mga mangunguma nga nagabulig sa pamilya Valmocina nga nakapuyo sa balay. Gilayon nga napatay sanday Melchor Cardinal, 24, Michael Malumay, 19, kag isa nga nakilala lang nga "Jojo". Gilayon man nga ginsunod sang mga armadong lalaki ang mag-amay nga Valmocina.

Wala pa nakontento, gintakaw sang mga armado ang 10,000, mga alahas kag apat nga *cellphone* sang pamilya Valmocina. Pwersahan man nga gin-upod nila ang magulang nga anak nga si Renato, 25, kag isa nga kabulig sang pamilya. Tubtub subong indi makit-an kag ginakakulbaan nga patay na sila. Natabo ang madugo nga krimen sang indi



malayo sa detatsment sang Philippine Army, mga 200 metros lang halin sa balay sang mga Valmocina.

Antes ini, ginpatay sa Irosin, Sorsogon sadtong alas-8:45 sang aga sadtong Enero 30 si Maximo Frivaldo, Bayan Muna *coordinator* kag konsehal sang munisipalidad. Ginpatay sang alas-8 sang aga man nga ina si Antonio Alde, Jr., 25, organisador sang Bayan Muna kag empleyado sa kapitolyo sang Eastern Samar. Ginluthang siya sang tatlo nga lalaki nga sakay sa isa ka motor-siklo nga wala plaka sa Barangay Rawis, Borongan.

Sa Paquibato District sa Davao City, ginpatay sadtong Enero 18 sang *death squad* sang berdugong militar si Renato Antonio, isa ka organisador sa komunidad kag tserman sang Paquibato-Panabo Motorcycle Operators and Drivers' Association bangud sa akusasyon nga nagapasakay siya sang mga Pulang hangaway sa iya motorsiklo.

Samtang, ginahimutig sang Karapatan sa Central Luzon ang report sang Northern Luzon Command nga napulo nga katapu kuno sang Bag-ong Hangaway sang Bawa ang ila napatay sa tatlo ka sunod-sunod nga engkwentro sa mabulubukid nga lugar sang Sta. Ignacia, Tarlac sad-

tong Enero 31. Suno sa Karapatan, tatlo sa mga ini mga sibilyan kag indi mga Pulang hangaway sang BHB. Nakilala ang mga ini nga sanday Allan

Ibasan, William Santos kag Dante Salgado, 17.

Base sa pagsaysay sa Karapatan sang ila mga himata, sanday Ibasan at Salgado gindakup sang mga suldado pila ka oras bag-o matabo ang mga enkwentro. Nagapang-utod sang kawayan ang duha sa Barangay Villa Aglipay sa kaingod nga banwa sang San Jose sang dakpon sila sang militar.

Samtang, gintukod sining Enero ang Free Perseus Geagoni Movement agud ipamilit sa militar ang pagpahilway sa upisyal sang National Federation of Sugar Workers (NFSW) nga ginkidnap sadtong Disyembre 5 kag wala pa ginapatuhaw tubtub subong. Ulihi nga nakita si Geagoni nga sakay sa isa ka motorsiklo padulong sa sentro sang Bacolod City nga ginalagas sang duha pa nga motorsiklo kag isa ka *van* nga wala plaka.

Suno gihapon sa mga nabaton nga report sang Karapatan, si Geagoni ginkuot sang mga gintingub nga elemento sang 303rd Brigade, 11th IB sa pagpamuno ni Lt. Clarence Garrido kag 87th Military Intelligence Coy sang 3rd ID sa idalom ni Maj. Ariel Quiatchon. Siling sang Karapatan, 11 organisador na (siyam halin sa NFSW kag isa halin sa Kilusang Magbubukid ng Pilipinas) ang ginapamatay subong nga tuig. **AB**



# Mga taktikal nga opensiba sa Mindanao

**N**akalunsar ang Bag-ong Hang-away sang Banwa (BHB) sa Mindanao sang 136 nga taktikal nga opensiba sa sulod sang 130 adlaw (halin Septyembre 24, 2005 tubtub Enero 31, 2006). Suno kay Jorge "Ka Oris" Madlos, tagapamaba sang National Democratic Front-Mindanao, 94 nga armas nga lain-lain ang kalibre ang naagaw sa mga opensiba nga ini. Nubenta'y nuybe nga elemento sang kaaway ang napatay kag 87 ang napilasan. Sa pihak nga bahin, tatlo ka depensibong aksyon ang naimbolbar sang BHB kag anum ka mabaskog nga riple lang ang nabawi sang kaaway halin sa mga Pulang hangaway sa panahon nga nasambit.

Partikular sa bilog nga bulan sang Enero, nakalunsar ang BHB sa isla sang 30 taktikal nga opensiba kag nakaagaw sang 11 lain-lain nga kalibreng armas. Napulo'g anum ang napatay nga mga tropa sang militar, pulisya kag CAFGU kag 17 ang napilasan.

Pinakamatingkad sa mga armadong aksyon sang BHB sa isla sang isa ka bulan amo ang reyds sa isa ka tsekpoynt sang PNP sa hay-

wey sa Barangay Amontay, Marihatag, Surigao del Sur kon sa diin tatlong M16 ang naagaw, luwas sa mga *bullet-proof vest* kag bala. Duha ka pulis man ang napilasan.

Antes ini, gin-isnayp sang BHB sadtong Enero 5 kag 7 ang duha ka kumpanya sang 39th IB kag isa ka kumpanya sang 66th IB nga nagaoperasyon sa mga banwa sang Colombio, Magsaysay, Tampakan kag Kiblawan sa Sultan Kudarat. Apat nga suldado ang napatay, lakip si 1Lt. Buenaflor sang 66th IB.

Masunod ang iba pa nga aksyong militar nga wala mareport sa **AB:**

**Enero 30, Brgy Old Bulatakan, Bansalan, Davao del Sur.** Napatay si Sgt. Ernie Grialdo sa operasyong isparo nga ginlunsar sang isa ka tim halin sa Front Guerilla Unit 51 sang BHB.

**Enero 29, Brgy Kioya, Sibagat, Agusan del Sur.** Isa ka suldado ang napatay kag duha pa ang napilasan sang iharas sang mga Pulang hangaway bandang ala-1:45 sang hapon ang mga suldado sang 29th IB nga nagalunsar sang operasyong RSOT.

**Sityo Mabog, Brgy San Roque,**

**Bislig City.** Isa ka sundalo ang napatay kag lima ang napilasan sa adlaw man nga ini sang ambuson sang mga gerilya sa idalum sang Front 14 ang mga elemento sang CAFGU kag 36th IB bandang alas-11:30 sang udto.

**Enero 25, Brgy Mapula, Paquibato, Davao City.** Gin-aresto sang 1st Pulang Bagani Company sa isa ka tsekpoynt ang isa ka elemento sang CAFGU kag duha ka katapu sang panatikong Alamara. Nakumpiska man halin sa ila ang isa ka .357 nga rebolber. Ginaimbestigahan subong ang pagkaimbolbar sang mga bihag sa mga kaso nga pagpatay kag pagpanglugos.

**Enero 22, Brgy Buhisan, San Agustin, Surigao del Sur.** Isa ka elemento sang CAFGU ang napilasan sa reyds nga ginlunsar sang mga kaupod halin sa Front 19 batuk sa detachment sang 23rd IB-CAFGU.

**Enero 17, Brgy Salahon, Salay, Misamis Oriental.** Isa ka suldado ang napatay kag duha ang napilasan sang isnaypingon sang isa ka tim halin sa Pequero-Habagat Guerilla Unit sang BHB ang mga elemento sang 8th IB.

**Enero 15, Brgy UTC, Laac, Compostela Valley.** Isa ka elemento sang CAFGU ang napatay sang maisparo siya sang mga Pulang hangaway sa idalum sang Front 34. Naagaw halin sa iya ang isa ka .357 nga rebolber.

Alas-7 sang gab-i sang adlaw man nga ina, isa ka pistolang 9 mm ang nakumpiska sang BHB sa idalum sang Front 16 halin sa hinablos sang isa ka pulis nga nagpalupok sang pusil sadtong Bagong Tuig.

**Enero 14, Brgy Rizal,**  
sundan sa "Mindanao...", pahina 13





"Mindanao..." halin sa pahina 10

**Mongkayo, Compostela Valley.** Napilasan ang duha ka suldado sa operasyong harasment nga ginlunsar sang mga Pulang hangaway sa idalum sang Pulang Bagani Company batuk sa mga elemento sang 28th IB.

**Enero 12, Brgy Kapatagan, Laac, Compostela Valley.** Isa ka myembro sang barangay impormer sang kaaway ang napatay sa operasyong isparo nga ginlunsar sang isa ka tim halin sa Sentro de Grabadad 33 sang BHB.

**Enero 6, Brgy Nuevo Gracia, Loreto, Agusan del Sur.** Napatay ang isa ka suldado sang isnaypingon sang mga Pulang hangaway halin sa Front 34 ang mga tropa sang 28th IB.

**Enero 4, Baganga, Davao Oriental.** Isa nga karbin ang naagaw sang mga kaupod nga katapu sang Sandatahang Yunit Pamproganda sang Front 15 halin sa isa ka abusado nga komersyante.

**Enero 1, Brgy Patil, Kapalong, Davao del Norte.** Napatay ang isa ka elemento sang CAGU kag napilasan ang isa ka miyembro sang panatiko nga grupong Alamara sang isparuhon sila sang isa ka tim sang BHB halin sa Front 34. AB

## Reyd sa Surigao del Sur

**B**aynte'y kwatro nga armas ang naagaw sa isa nga wala lupok nga reyd sang BHB sa istasyon sang Philippine National Police (PNP) sa Lingig, Surigao del Sur bandang alas-3 sang Pebrero 5. Ang reyd, nga ginlunsar sang mga Pulang hangaway sa idalum sang Conrado Heredia Command-Front 20, naglawig lang sang 20 minutos. Lakip man sa mga nadisarmahan amo ang mga elemento sang 36th IB.

Naagaw sa reyd ang tatlo nga M203, 10 M16, isa ka 12-gauge shotgun, apat nga .45 pistola, isa ka pistola nga 9 mm, tatlo nga .38 rebolber kag duha nga .357 nga pistola. Nakakumpiska man sang mga bala kag iban pa nga gamit militar. Sa isa ka pahayag, ginsiling sang BHB sa Southern Mindanao nga ini na ang ikapito nga operasyong disarma nga nalunsar batuk sa municipal headquarters sang PNP sa rehiyon kag mga kaingod nga banwa. Isa ka bag-o nga kumpanya sang BHB ang naarmasan halin sa kabilugan nga numero sang mga armas nga naagaw halin sa mga aksyong militar nga ini.

Sa kaangot nga balita, ginlambatan sang isa pa ka yunit sang Merardo Arce Command (MAC) sang BHB sa Southern Mindanao ang reimporsment sang militar sa Barangay Kauswagan, Lingig. Suno kay Jorge "Ka Oris" Madlos, tagapamaba sang NDF-Mindanao, kinumpirma ni Ka Rigoberto Sanchez sang MAC nga apat ka suldado sang Philippine Army ang napatay kag pito nga iban pa ang napilasan. Nalukpan man sang *command-det-onated landmine* ang isa ka *armored personel carrier* (APC) kag isa ka trak nga Elf nga ginasakyan sang mga naga-operasyon nga mga tropa sang gubyerno. AB

## Mataas nga lider sang RPA, ginsilutan sa Negros

**I**sa ka mataas nga kumander sang Revolutionary Proletarian Army-Alex Bongcayao Brigade (RPA-ABB), upod ang duha ka elemento sang paramilitar nga grupong Civilian Volunteer Organization (CVO) ang napatay sang ambuson sila sang Bag-ong Hangaway sang Banwa (BHB) sa poblasyon sang Mabinay, Negros Oriental sadtong Enero 26 sang hapon. Si Rogelio Mambato (alyas Malvar) ginlambatan sang duha ka partisano sa guwa sang iya balay.

Nagtuyo nga magtabang ang duha ka elemento sang CVO sang mabatian nila ang mga lupok sa balay ni Mambato, nga mga 500 metros ang kalayuon sa ila pwesto. Pero ginsug-alaw sila sang mga lupok sang tatlo nga iban pang gerilya nga nagahulat sa reimporsment sang kaaway.

Si Mambato anay katapu sang BHB kag kilala nga kumander sa Southern Negros antes siya mag-entra sa kontra-rebolusyonaryong bandidong grupo nanday Arturo Tabara kag Stephen Paduano (alyas Carapali Lualhati). Siya ang nagadumala sa mga operasyon sang mga yunit sang RPA-ABB sa bilog nga isla sang Negros kon sa diin ini aktibo nga nagasimpon ang RPA-ABB sa militar kag pulisya sa mga operasyong pagpangtapna batuk sa pumuluyo.

Bag-o pa man pormal nga lagdaan ang kasugtanan nga untat-lupok sa tunga sang RPA-ABB kag sang gubyerno, lapnagon na ang ila pagka-tulisan kag pag-alagad bilang badigard sang dalagku nga asenderokumprador kag lokal nga pulitiko pareho nanday Eduardo "Danding" Cojuangco, mag-ulutod nga Mike kag Iggy Arroyo kag Gov. George Arnaiz. Kahimbong sang RPA-ABB ang mga upisyal sang 303rd IBde kag PNP-Negros sa madamu nga kaso sang pagpangbakol, ekstorsyon, pagpamuyong, pagpanglugos, pagkuot kag pagpanalbeyds sa mga katapu kag lider sang mga hayag nga demokratiko kag patriyotikong organisasyon kag ginadudahan nila nga simpatisador sang rebolusyonaryong hublag. AB

## Trahedya sa Philsport

**G**inpahayag sang Partido Komunista sang Pilipinas ang hugot sa tagipusuon nga pagpakig-unong sa mga nabiktima sang natabo nga trahedya sadtong aga sang Pebrero 4 sa Philsport Arena sa Pasig. Napatay diri ang 74 ka tawo kag napilasan ang halos 700 ang iban pa sang mag-unahan, nagtikludanay kag magdinalagan ang pila ka pulo ka libo katawo nga nakapila para makatambong sa selebrasyon sang una nga anibersaryo sang programa nga Wowowee" sang ABS-CBN. Pila ka adlaw bag-o ang anibersaryo, naglab-ot na sa 50,000 katawo ang nakapila sa guwa sang bilding sa tuyo nga makadaog sang mga premyo nga nagabalor sang pila ka milyon nga pisos nga ipanagtag sa

mga magatambong. Ginganyat sila sang mga pangako sang programa nga "Waay sang magpauli nga luhaon, waay sang magpauli nga wala sang dala." Gani nag-antos nga pumila kag maghulat sang pila ka adlaw ang mga tawo, asta sa naglab-ot ini sa makangilildlis nga trahedya.

Gikan sa masang anakbalhas ang mga biktima, kadam-an mga iloy kag ila mga anak. Desperasyon sa atubang sang grabe nga kaimulon ang pinakaugat sang natabo nga trahedya sa Philsport. Ang kangililidlis nga hitabo ang tunay nga laragway sang desperasyon sang masang Pilipino nga makatibawas sa kumunoy sang kaimulon nga labi pa nga naglala sa lima ka tuig nga pag-

ginahum sang rehimeng US-Arroyo. Ginahimutig sini ang pirmi ginapabugal ni Arroyo kag mga idu-ido niya nga maayo ang dalagan sa ekonomya sang Pilipinas.

Ang natabo nga trahedya yara sa balayon sang mas daku nga trahedya nga nagalikup subong sa pumuluyo nga Pilipino bunga sang kagarukan sang nagahari nga sistemang pangkatilingban kag sobra nga pagkadaluk sang rehimeng Arroyo. Ini ang mas daku nga trahedya sang malaparan nga disempleyo, mabugat nga palas-anon sa buwis, mataas nga presyo sang mga balaklon, pagkagaruk sang mga serbisyo publiko kag iban pa nga adlaw-adlaw kag ananay nga nagapatay sa kabuhi sang imol nga pumuluyo. **AB**

## Hamas, indi magluhod sang presyur sang US kag UE

**N**ag-angkon sang mayorya nga boto ang Hamas sa bag-o natapos nga eleksyon parlamentaryo sa Palestine sadtong Enero 25 matapos ang 40 ka tuig pagdominar sang partidong Fatah sa kabuhi pulitika sang mga Palestino. Pagkadaug, gilaon nga nangako ang Hamas nga indi ini magluhod sa pagpang-ipit kag pagpamahug sang gubyernong US kag Israel. Suno sa Hamas, maathag ang pagdesisyon sang pumuluyo nga Palestino nga wala sang makapugong sa ila nga magtukod sang bag-o nga gubyerno sa Palestine kag dapat lamang ini respetuhon sang tanan nga partidong pampulitika.

Ang pahayag nga ini reaksiyon sang Hamas sa mabaskog nga presyur sang US kag mga kaalyado sini nga bayaan na ang armado nga paghimakas kontra sa Isarel. Nag-

pamahug ang US nga utdon sang gubyernong Bush ang bulig pinansyal sini sa Palestinian Authority kon hindi magsurender sang armas ang Hamas. Luwas sa US, ginapamilit man sang European Union (EU) ang Hamas nga sikwayon ang armado nga paghimakas kag kilahanon ang esatdo sang Israel. Kon indi ipiton sang mga ini ang ayuda nga ginahatag nila sa Palestinian Authority nga nagabug-os sang halos katunga sang badyet sini.

Nagalab-ot sa \$1 bilyon kada tuig ang pangguwa nga ayuda ang ginabaton sang Palestinian Authority --\$615 milyon gikan sa EU kag \$70 asta \$150 milyon gikan sa US. Samtang, pagkatapos mangako nga bayaran nila ang buwis kag taripa nga \$45 milyon para sa mga produktong sini sa bulan sang Enero, nagdesisyon ang Israel nga indi na ini

magbayad umpisa sining Pebrero kon indi magpasugot ang Hamas sa ila mga dikta.

Samtang ginapreparar ang pagtukod sang Legislative Council sang Palestinian Authority sa Pebrero 16, nagtukod sang delegasyon ang Hamas nga magalibot sa mga pungsod nga Arabo upang makakuha sang malapad nga suporta. Subong pa lang nangako na nga maghatag sang bulig pinansyal ang Saudi Arabia (\$20 milyon) kag Qatar (\$13 milyon) sa Hamas. Plano man nga magkadto ang delegasyon sang Hamas sa mga pungsod sang Latin America katulad sang Venezuela, Brazil, Argentina kag Bolivia. Ang mga pungsod nga nasambit nagapangahas nga pamatukan kag batuan, sa nagkalain-lain nga lebel kag paamagi, ang mga dikta sang imperyalistang gubyerno sang US. **AB**

**ANG****Bayan**

Pahayagan ng Partido Komunista ng Pilipinas  
Pinapatnubayan ng Marxismo-Leninismo-Maoismo

Edisyong Hiligaynon  
Tuig XXXVII No. 3  
Pebrero 7, 2006  
[www.philippinerevolution.org](http://www.philippinerevolution.org)

Editorial

# Nagalapad ang kahublagang anti-Arroyo sa sulod sang AFP-PNP

**G**inhingalitan sang rehimeng Arroyo kag sang liderato sang pasistang AFP kag PNP ang pagkadakup kay Capt. Nicanor Faeldon sining ulihi nga simana sang Enero agud ipahambog nga nagapabilin nga mabaskog ang suporta sang mga armadong pwersa sang rehimen sa chain of command kag wala sang ginaangkon nga suporta ang mga grupong anti-Arroyo sa kubay sang mga suldado kag pulis. Nadakup si Faeldon masobra isa ka bulan makaligad magpalagyo siya sa detensyon sad-tong tunga-tunga sang Disyembre 2005.

Sa pihak sang liwat nga pagbihag kay Faeldon, padayon nga naglapad kag nagdalum ang disgusto kag kagamu sa AFP kag PNP. Malig-on nga nagapadayon ang kahublagan nga ginapasakupan ni Faeldon sa pihak sang pagkadakup bangud padayon ang basehan para magluntad ini kag iban pa nga kaparehong mga grupo sa militar kag pulisya.

Ang pagpalagyo ni Faeldon ginsundan sang pagpalagyo sang apat pa nga bataon nga upisyal nga nag-



entra man sa protesta sa Oakwood. Gindeklarar nila nga magadayon sila sa pagbatu kag nanawagan man sila sa pumuluyo nga patalsikon na ang rehimeng Arroyo.

Madamu nga iban pa nga upisyal kag suldado nga nagbulig sa pagpalagyo kag pagtago sa ila sa guwa sang kulungan, gani tubtub subong indi matumod-tumod sang mga nagapamuno nga heneral ang ila ginahamtangan. Gilayon sila nga nakigangot sa iban pa nga kaupdanan ni-

la nga nagapadayon sa pag-organisa sa kubay sang mga suldado kag pulis kag nagahanda para sa hayagan nga pagtalikod kag pagbatu sa rehimen.

Pamatuod ini nga nagalapad ang numero sang mga kadampig sang mga suldado nga namuklat, disgustado kag nagakangil-ad sa di lehiti-mo kag garuk nga nagaharing rehimen kag handa maghulag para patalsikon ini.

Padayon nga nagalapta sa sulod sang AFP kag PNP ang diwa sang

**Mga tampok  
sa isyu nga ini...**

**POW, ginhilway sang  
BHB**

PAHINA 3

**Dalagkuan nga pagmi-  
na, ginpamatukan**

PAHINA 9

**Mga taktikal nga open-  
siba sa Mindanao**

PAHINA 12

## Mga instruksyon sa paglilimbag

**1.** Ang **sinundang pahina**, na eksaktong kopya ng pahina 1 maliban sa mas mapusyaw ang *masthead* o *logo* ay para sa mga gumagamit ng *mimeo machine* o naglilimbag sa paraang *v-type*. Idinisenyo ito para hindi madaling makasira ng istensil.

**2.** Pag-*print* sa istensil:

- a) Sa *print dialog*, i-check ang **Print as image**
- b) Alisin ang *check* sa **Shrink oversized pages to paper size**
- k) I-click ang **Properties**
- d) I-click ang **Advanced**
- e) Tiyaking naka-set sa **100%** ang **Scaling**
- d) Ituloy ang pag-*print*

**3.** Hinihikayat ang mga kasama na ipaabot sa patnugutan ng *AB* ang anumang problema kaugnay ng paglilimbag sa pamamagitan ng *v-type*. Magpadala ng *email* sa *angba-yan@yahoo.com*